



颱風天

今年颱風特別多，一粒過一粒，家園整理完好，颱風又攔討來。氣象局講後禮拜又有兩粒颱風討起來，聽著得人心頭驚。今年颱風逐粒攔撫真多雨水，落到大家喝毋敢。尤其南部个百姓，今年得大水蔭三回啊，實在真無奈。若攔蔭落去，財產會無去，生活愛仰子過。像宜蘭个蔥、臺中个柑、雲林个青菜，猶有歸田洋个弓蕉斷了了。晾花个禾堵著颱風，會變冇穀，這下愛仰子正好。菜園个菜網爛結結，菜葉嘛打到綿綿綿，這下菜定著會起大價，百姓个生活会更加艱難。

颱風做一日，大家即愛無閒幾下十日。橫倒在路个樹、吹落泥下个看板、蔭水个屋下、跌滿歸園个果子、斷去个山路，這兜攏愛用真多時間來整理。尤其睭著新聞報導有人騎機車險險得風吹倒，隨又險險得吹落來个鐵皮削著，正經係十分驚險。

失電更加係艱難，生活退轉到原始生活，無電視、無電腦、無電子鍋這兜電子用品，一到暗夜時即暗摸摸，現代人嘎變到硬討毋會生活。舊年長時間个失電，得供魚个人損失全然重。有人了幾下千萬，真多魚無電好打水，欠氧氣死去，正經係喊天天不應，喝地地無聲，一片悽慘。這回个梅姬颱風強風和超大个雨得臺灣大失電，有三百外萬戶失電去，甚至有所在失電四日，得人感受著無電好用个辛苦。

這得係想起成過阿姑和阿估佢人講起八七水災个悽慘。濁水溪溪岸猶言做起來，歸下西螺蔭大水，甚至一兜墓地攏得大水刮去，棺材跔水流。屋下坪中央水嘛硬討歸人高，一兜魚塘內底个魚攏走淨淨，在自家坪中央提雞奔，即會用捉著魚。做細子个佢人，躉躉當做真好，有恁多魚好捉，到大漢正知遐係百姓个悲哀。

韋恩颱風遐擺，得係這世人攏會記得。遐晨早六點外，風剛到屋嶺个瓦像湧共款一波波，瓦一埕一埕跌落泥下，竹笕屋个壁，風力強个時即塌落去，等風力較軟个時即彈倒轉，佢攏緊擊畚擔枷壁拄踮。到今想來係一世人攏毋會添放。颱風過後，去撿笕竹个風打筍，剝竹殼了後，枷較嫩个部份削削个园落大鑊爍，了後剝一兜滷菜頭做一下炒，食起來鹹鹹稍可苦味苦味。這兜攏係颱風帶得佢難忘个回憶。這嘛笕竹嘛毀到差不多無啊！毋過颱風猶係年年來，百姓个苦難毋知到幾時了，無定著這即係上天對佢人个考驗。

作者：李秉璋

☆詞彙學習☆

【撫】zabˊ：攜帶。

【喝】hodˊ：大聲叫。

【爛結結】lan geˊ geˊ：指菜網破爛得非常嚴重。

【綿綿綿】mien mien mien：指蔬菜因被颱風吹壞而變的腐爛敗壞。

【看板】kanˊ bangˊ：招牌。

【雞奔】geˊ kemˊ：舊時農家用來罩雞的圓

錐形器具，上有一開口方便捉雞。高約70-80公分，底部直徑約80-100公分。

【竹笕屋】zhuˊ gongˊ bbuˊ：用竹子做樑柱，將竹管打造成棋盤式的牆面，每格用竹篾穿插編排布滿每格，後以牛糞和泥土、稻草、粗糠等混泥土塗布牆面所造的房子。

【笕竹】ledˊ zhuˊ：刺竹。

【風打筍】fungˊ daˊ sunˊ：被颱風吹落的竹筍。